

# OMUKWETU



Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 16

AUGUSTE

1968

## OKWIIYELEKA

Mat. 23: 1-13.

Osondaha ndjika onti-11 ya landula Uukwatatu, oya lukwa edhina ndika "okwiiyeleka" opo tse twii tale notwii yelege nkene tu li moshilonga shOmuwa nomegongalo lye.

Omuwa gwetu Jesus ote tu etele mevangeli ndika iinima iinene mekwatathano naalongi yomoshigwana shaKalunga oyo Aanongoramata nAafarisai. Oyo mboka ya popiwa kuJesus mpaka kutya, oyi itula koshipundi shaMoses, tashi ti: Oyo aapingeneni naalanduli yaMoses mokulonga oshigwana shaKalunga oompango noohapu dhaKalunga.

Jesus ta ti: "Shaa shoka taye mu lombwele, shi dhiginineni, ihe inamu holela iilonga yawo." Oyo ya dhiginine okulonga aantu oompango nomanyolo omayapuki, ihe yoyene iilonga yawo oyi li kokule ngaashi kwa nyolwa. "Aantu mbaka ohaa simaneke ndje nomilungu dhowala, ihe oomwenyo dhawo odhi li kokule nangame. Otaa tsike aantu omitenge omidhigu, ihe yoyene itaa gumu ko nando onomunwe." Okulonga kwawo kaku na ekwatathano nonkalo yawo. Oyo taa longo aantu yo itaa ilongo wo yoyene. Onkee ashihe otaye shi ningi, opo ya simanekwe kaantu, ano itaa kongo esimano lyaKalunga awike. Elongelokalunga lyawo lya ningi omaitalitho gowala. Oyo taa kongo omahala gasimana nokukala kiipundi yokomeho noku kundwa "Rabbi," (omuhongi) nelalakanano alihe ndika oyo okwiikongela esimano mokati kaantu.

Mushika Omuwa gwetu Jesus Kristus ta londodha aantu naalongwa ye yaa konge noyaa lalakanene esimano. Ya kale mohole yuumwayinathana yokuyakulatha-

na, oshoka omuhongi gwawo oye gumwe awike Jesus na ohe yawo oye gumwe awike ngoka e li megulu oKalunga. Nomuhongi gwawo ngoka ta ti ine ya okulongelwa ihe okulongela nokugandja o-mwenyo gwe gu ninge iikulila yoyendji. Osho wo ta ti: "Omukuluntu gwomokati keni oye na ninge omupia nomuyakuli gweni." Mokati kaalongwa mu monike eifupipiko neifupipikilathano ngaashi kwa nyolwa: "Kalunga ta tondo aaholuunsa nota silohenda aaneifupiko."

Aamwatate aaholike muKristus Jesus unene tango aanashilonga naayakuli mepya lyOmuwa, otse mboka twa lengwa kuKalunga tu yakule oshigwana she noku shi uulukila komuhupithi gwasho Jesus. Okuuvitha kwetu ohapu yomwenyo oku na tu ekwatathano nonkalo yetu? Otse tuu aagwanithi ya shoka tatu shi uuvithile yakwetu noku shi ya longo? Nenge iilonga yetu oya pingathana nokuuvithila aakwetu? Pamwe Omuwa gwetu ta lombwele aayakulwa yetu nopethimbo ndika "Shaa shoka taye mu lombwele shi ningeni, ihe inamu holela iilonga yawo." Otashi vulika pamwe omolwomapingathano gonkalo niilonga yetu inaayi kwatathana nevangeli oyendji ya yi kokule. Onkee twa gwana okwiikonakona, pamwe tatu kongo owala esimano lyetu yene na itatu pe Kalunga esimano meyakulo lyetu. Jesus te tu tegelele tu kale ngashika ye a hala.

Osho wo tseni aakriste atuhe otwa ithanenwa megongalo okulongela Kalunga mombepo yeifupipiko noku yakulathana mohole nomu-mwayinathana mboka tu u na mOmuwa gwetu Jesus Kristus. Ombe-po yuunsa noyeinenepeko yi kale kokule natse. Ombepo yokwiihola nokayi nomauvito pamwe yi kandulwe po. Tse tu ende nondjila

yopahapu dhaKalunga ndjoka tayi tu fala kelago lyaaluhe. Twaahole tse yene atuke, ihe tu kale nokudhiladhilila aakwetu uuwanawa wo.

Onkee Omuwa Kalunga ne tu pe Ombepo yeifupipiko noyeyakulathano mohole. Oshoka otse aantu naamwayina muKristus Jesus Omuwa gwetu nOmukulili gwetu. Amen!

*N. Stefanus Mvula*



*S. Mvula ngoka a langekululwa megongalo Oniipa konima sho a yakula aamati yetu muGrootfontein omumvo gumwe.*

## EKA KAMO LEDU

Moshilando Manila muFilipyne omwa kundanwa kutya, edu ola kakama. Etungilo limwe ola mbonyaukapo kekakamo ledu novanhu vahapu va fila mo. Oinima ya nyonaunwa kekakamo noshiponga sha talika shinene moshilando omo.



## EFUNDJA TALI KUNGULULA

Otu li mefimbo loinima ihapu, oyo hatu i yeleke nefundja lomeva tali kunguluka. Efundja ngenge tali kunguluka, omeva alo ohaa twaa-lele osho shi li mondjila. Ngenge mondjila omu nomiti nde inadi dama shili medu moule, otadi pundulwa komeva nde otadi kungululwa.

Momeva efundja omu noipuka ihapu yomaludi e lili noku lili tai tondoka nomeva nde tai shikula omeva oko a yuka. Oipuka oyo hai kala mefundja imwe ohai pumbiwa kovantu, have i li ombelela, ndelene omu yadi oipuka ihapu itai pumbiwa nande. Momeva aa hamu kala oilyani nokuli ngashi omayoka nosho tuu.

Efimbo lonena lomido edi ofyuka tai longifwa unene, oli nomhepo ya fa efundja tali kungulula. Omhepo yoshipilili nomhepo yokuheshikulafano. Omeva efundja eli otaa kunguluka popepi nomunhu keshe nde otaa kongo omhito oku mu fundula po noku mu kungulula. Ngenge omidi deitavelo lovakriste inadi dama moule muJesus Kristus, otava pundulwa nde tava kungululwa. Ngenge omesho oye okomutima inaa pashukila omhepo yefimbo eli, otaa twiywamo filu nde to kala omupofi momhepo nomeendunge. Ngenge omukriste ita kala muJesus nomeendjovo daye, ota lika komayoka nokoiponga ihapu i li mefundja lopefimbo eli.

Omunandunge umwe eshi a pulwa kutya, ohatu ningi ngahelipi opo tuha kungululwe po komeva efundja lolunde la pindja? okwa nyamukula: "U nokufa omikangha de ku enda pomunghulo, opo ove to kala pokati komikangha, nena omeva efundja eshi tae ku hange, otaa shikula omikangha nde tae ku ende ngaha pomunghulo fimbo ove to kala wa xupa poukukutu ino kungululwa." Otwa lesa "Kaleni mwaame naame munye, ngashi oshitai tashi kala momuvinyu, osheshi muhe kwete nge itamu dulu sha." Ou ta kala momuvinyu Jesus Kristus ngoshitai shi nomwenyo, okwa fa omumenhu a tungila ongulu yaye kemanya lakola. Eshi eemhepo noikungulu ye mu hanga nde ye liden-ga muye nde ye mu undaula, ongulu yaye inai ngumauka po nande, osheshi oya tungilwa kemanya.

## INO TU FALA MOMAMAKELO

Jesus oye e tu longa eindilo ndika, oshoka okwa li a tseye nawa oshiponga shomayekeko, unene shomuntu ngele ta gwile memakelo lyasatana. Jesus okwa makelwa komuhindadhi, ihe okwa sindana. Omuntu naye ota makelwa nota yelekwa, ihe ota sindana tuu?

Eeno, ota sindana ngele ena Kalunga. Oshoka naJesus mesindano lye okwa li ena oonkondo dhomu-Kalunga. Onke Jesus mu Joh.17:15 ota ti: Itandi galikana u ya kuthemo muuyuni, ihe u ya gamene kuuwinayi.

Oye okwa ti kaalongwa ye: Tonateni mwaa ye memakelo. Moku-kalamwenyo komuntu omu na shili uudhigu. Oshoka kehe esiku ota tsakanekwa komamakelo gopendji, ngoka tage mu'imbi okwiindila Kalunga e mu pe oonkondo dhokusindana.

Okumakelwa ina ku hulila owala pethimbo lyaJesus aawe, nopethimbo ndika lyongashingeyi opo ge li, gamwe ge tu imbi nokuli omokwaa-na eitaalo lyakankama muKalunga.

Omukwetu, oto indile tuu Kalunga e ku hupithe memakelo kehe lyuuyuni mbuka? To galikana tuu esiku kehe Kalunga e ku pe oonkondo ndhoka dhomuye opo u sindane? Omunelago oye ena Jesus ngoka omusindi gwemakelo kehe.

*T. Amoomo*

## EPAYA TALI PUMBWA OMAILIKANENO

"Owa kala peni oshivike eshi?"

Aune Shilongo a pulwa. "Onda talela po oshilongatumo mouningini. Onda tala oshilongatumo kwinya otashi ifana ovaitaveli." Shilongo a tumbula.

"Otwa popifa ovamwameme mEpaya. Ava ve hole Jesus ova ongala pufye. Vamwe va piyaanekwa ile va ifana po vakwao pufye. Epaya otali pumbwa omailikaneno. Vo vene ove shi tonga kutya, nava indililwe.

Otava nu kwinya unene, tava dengafana nosho tuu," osho A. Shilongo a hokolola okafimbo a talela po mombelwa yOmukwetu.

## ITEDHULULA-OHAPU YOMBIMBELI YA TI

Ngele tamu kala panyama, omu nokusa eso lyaaluhe; ihe ngele iilonga yolutu tamu i dhipagitha kombepo, otamu kala mu nomwenyo gwaaluhe (Rom. 8: 13).

-Kalunga sho ta popi ngeyi, ote ku lombwele kutya: Ngele to kala panyama nokulonga shoka oshiwini, oto adhika keso. Tango oke-so lyokomwenyo sigo to ningine mo meso lyaaluhe. Kaku nehupitho we, oshoka shoka she ku manga kumwe niikwanegulu we shi teya po nokuka'a kwoye panyama.

Ngele hokala panyama ito tseye okwoopalela Kalunga, ihe wa ningi omutondi gwe u li molugodhi naye (Rom. 8: 5-9). Ehulilo otali ka kala lya tya ngiini? I dhihadhila naanaa.

Itedhulula! Tala nkene Kalunga natango tuu mohole ye ote ku kumagidha nokutya: "Dhipagitha iilonga mbika iwinayi yolutu: Oluhondelo, ongeyo nuumbudhi, einenepeko nuufuthi nolwiho." Ayihe mbika yi dhipagitha. Otashi lulumike sho uulunde tau dhipagwa, ihe oto shi vulu okombepo yaKanga.

Taamba ekumagidho ndika. Kalunga a hala oku ku pa ombepo yoonkondo, opo u wape okusindana mokukala kwoye nokupangelwa kombepo nokumona ehupitho. Galikana nokugalikanenena u pewe ombepo ndjika yaKalunga. (Lesha ishewe Rom. 6: 12-13, 16-23.)

## ETUMO LEVANGELI MORADIO TALI UDIKA KOKULE

GENEVA - Enghundana ode uya da dja kuJapan tadi ulike kutya, ohava udu nawa oipopiwa yoradio oyo Radio Voice of the Gospel melaka lOvakiina, moilongo oyo yokokule koushilo. Eshi osha popiwa komuwiliki wetumondakamhepo waEthiopia.

Dr. Sigurd Aske, omutwe wehangano letumo mounyuni longongahangano yovakwaLuther mounyuni. Okwa ti kutya, oshashiyona yokutambula eendaka momhepo yomuJapan, okuhovela mokati kaJuni otava udu nawa oipopiwa tai tumwa kuRVOG muAddis Abeba.

# EGONGELO LYOONGALO MOMAGONGALC 1967

Otwa igilila okutula mOmukwetu ehokololo nkene omagongalo ga thigathana mokugongela oongalo. Mpa-ka otandi eta elandulathano lyomagongalo, opo mu tale wo, nkene ga gongele oongalo 1967.

Uukwanyama	Ondonga	Uuninginino
1. Engela 498.71	Oniipa 722.99	Okahao 581.19
2. Onguediva 259.32	Oshigambo 508.78	Elim 422.25
3. Ongenga 161.79	Olukonda 216.90	Nakayale 389.61
4. Ondobe 150.05	Onayena 191.35	Onawa 280.48
5. Ohalushu 142.96	Oshitayi 173.91	Tshandi 246.17
6. Endola 105.07	Onyaanya 117.18	Oniimwandi 214.35
7. Edundja 97.78	Eheke 104.11	Onesi 164.28
8. Eenhana 97.48	Okaku 91.46	Onangalo 155.12
9. Omundaungilo 77.45	Ontananga 90.83	Onaanda 101.00
10. Okatope 73.01	Oshaango 77.03	Ogongo 89.39
11. Kongo 57.22	Omuntele 65.45	Etilyasa 77.51
12. Onheleiwa _____	Okankolo _____	
13. Okalongo _____		
14. Olupandu _____		
<u>R1720.85</u>	<u>R2359.99</u>	<u>R2721.35</u>
Oka vango		
1. Nkurenkuru 150.80		
2. Mpungu 120.36		
3. Rupara 111.50		
4. Mupini 89.39		
<u>R480.05</u>		

Oniipa, Okahao, Engela, Nkurenkuru: Omagongalo ngoka ga li gotango mokugongela oongalo miitayingerki ayihe momumvo 1966, ogo ngaa gotango ishewe nomomumvo 1967, tashi ti, Oniipa ndyoka lya li lyotango mOngerki ayihe momumvo 1966, olyo ishewe lyotango mOngerki ayihe nomomumvo gwa yi 1967. Niipa dhi-ginina: Okahao ka kutha ko oongaku ka thigi po Engela oko okatiyali, ihe nando ongeyi Engela olyo ngaa lya ningi etitatu. Olya kuthwa ashike peha lyalyo mpoka lya li momumvo 1966. Nkurenkuru inali inyenga, olya dhiginine ehala lyalyo lyomumvo 1966.

Kehe egongalo olya kondjo okuhuma komeho, kakele Endola, Kongo, Okatope, Okaku, oga thigala, osho-ka oga shuna monima, ihe omumvo nguka shaa wa tala otaga ka imonena ehala epe.

Ngele tatu tala iitayingerki, otatu dhimbulula kutya, oshitayingerki shUuninginino shi itumbu ko kohi hoka sha li sha tulwa koshitayingerki shUukwanyama omumvo 1966, oshoka oongalo dhoshitayingerki shUuni-ninginino adhihe kumwe odhi vule dhiitayingerki iikwao, nokwa landula ihe Ondonga, Uukwanyama nOkavango.

Ondi inekela sho to konakona, tango oto kongo egongalo lyaandjeni mpo li li, oshoopala. Tala mpoka u li, omukwiita iha tonyala. Lwahugunina otandi pandula onkelo yUuninginino nonkelo yaNdonga noyaKa-vango Onawa, nOshaango, naMpungu. Omagongalo ngaka oga kondja shili. Ngo to ka thika ko, oto ka ta-lela. Muayihe, Kalunga na pandulwe.

*Petrus Shipena  
Omudhiginini gwiiniwe*

## PULAKENA EWI LYOMBEPO

*P. E. Mukunda, S. A. Polisie O-ndangwa*, ota nyola ngeyi: Ombe-po Ondjapuki nge te ku popitha, ino mu pilamena. Ino mu tidha po pungoye. Ombepo nguka oye he tu popitha mokukala kwetu note tu pukulula aluhe.

Tashi ti ewi lyokomwenyo oli li momuntu kehe. Otali nyenyeta nge-le tatu longo nayi. Eiuvo ewanawa hali longitha ngoka e li na iilonga iiwanawa ngashi okukwatha ooyak-wetu. Olyo tali keelele ndje nota-li ku keelele okukondja ngele wa hindwa komukweni.

Unene ne mu li momapiyagano gookamba miikunwa nomaantu o-

yendji, kaleni hamu pulakene eiu-vo lyomeni sho tali popi. Vulika kulyo! Nali ku pangele opo waa longe iilonga yomilema yanyata no-yuukolokoshi. Ino kala wa fa oshi-muna mokukala kwoye. Kotokela okukolwa kwoye kwaa ku fale mu-pyakadhi. likondjitho ino yi longi-tha otayi ku falitha mondholongo notayi ku futithitha. Longitha na-wa oondunge dhoye mokukalatha-na nooyakweni. Tala egeelo lyaKa-lunga sho ta geele aakolokoshi. Ko-nga ombili naKalunga koye.

**DHILADHILA OMUKWETU  
GWOYE GWOMUMVO 1969.**

*J. K. Shaanika Oshaango*, ota ti:

Omuleshi omuholike gOmu-kwetu omwenyo gwoye owe gu pu tudha ngiini? Owe gu lele nokuka-la kwa tya ngiini? Omu na tuu uu-kumwe uuwanawa naKalunga ko-ye? Oho yi tuu kiigongi yaagu-ndjuka? Tu taandelithe evangeli lya-Kristus niilonga nomikalo dhetu.

## V. D. WATH A TULWA KOSHIPUNDI

Oshifo Suidwes-Afrikaner sheti 9.8.68 osha hokolola kutya: omu-shamane J.G.van der Wath, oo pai-fe oadjunk-minister yoikwaSuidwes, ota ka ninga ngoloneya yaSuidwes ponhele yomushamane Wennie du Plessis, ou ta ka efa oshilonga osho pexulilo lodula ei.

# OSHIKOLOLO SHOMEGUMBO

## OVAFIKAMENI

Ovafikameni ovaholike, onye eendombwedi doshilonga shiyapuki shaKalunga mokufikamena ounona. Onye eendombwedi dokweeta ounona kuJesus meshasho liyapuki, ka ninge okahongwa nokalanduli kaJesus.

Oto twala tuu okaana kuJesus wa shiiva oto ningi shike? Oto twala tuu okaana kuJesus meshasho liyapuki opo ka mone sha meshasho?

Ondi udite omufikameni a fa ta ningi oshinima eshi pamukalo wa ikililwa. A fa ta ningi omufikameni opo a kale a fikama poshiyambelo, ndelene hapamukalo wa wapala.

Mokuputuka omunhu keshe a longwa a kale omunamikalo womikalo diwa tadi wapala. Eshi otashi holoka apa:

Okaana meumbo otaka longwa ngaha omikalo adishe diwa taka dulu okudilongifa mokukula kwako. Ngashi okulongifa eke lako lokolulyo mokuyandja ile mokutambula. Pamukalo ou okaana taka didilike ngaha kutya, nani omukalo omuwa okulongifa eke lokolulyo.

Omukalo ou wombanga yolulyo wa fa tau wapalele yo kovafikameni. Onda tala ngaha kutya, moku-

yandja edidiliko lomushiyakano, luhapu omufita a fa e na oudjuu, omolwaashi okaana inaka kwatwa nawa pamukalo tau wapalele okuyandja edidiliko lomushiyakano. Atushe otu shi shi nawa kutya: Omushiyakano ohau dikwa wa yukilila ndelene inau endama. Nge tau endama okuninga wa dikwa nayi nde tau kungululwa po komeva ile koshikungulu shomhepo, shashi inau dikwa wa kola. Ndishi onawa yo nge okaana taka pewa edidiliko lomushiyakano la yukilila? Hano dimbulukwa ngaha.

### 1) Edidiliko

Kwatela okaana nawa kombinga yolulyo lwoye oshipala shokaana sha taalela omufita (Paku landula okwooko kwomufita) nokaana taka pewa edidiliko lakola nolayukilila.

### 2) Eshasho

Kwatela okaana kombinga yolulyo, ombinga yomutwe wokaana neke lolulyo, ombinga ya xupa onokwooko kolumosho nokaana taka shashwa.

Ondi udite ngaa kutya, shiimba epukululo eli lafa ngaa kali na oshilonga, ndelene lafa tali eta omakongholo madjuu kwaau wa didilika oshiima eshi. Luhapu nge handi mono okaana taka yandjwa nayi, ohandi udu yo nayi momwenyo, nande ndi li omunyasha nata-

ngo, eshi okaana taka pewa edidiliko la endama. Ohashi eta omadiladilo aa kutya, eshi sha endama ohashi tenguka yo diva. Eshi otashi holola yo kutya, okaana otaka ende nedidiliko la endama mokukula kwako. Omadiladilo omahapu ndele eli lomushiyakano wa endama olo limwe lomuwo.

Ovafikameni ovaholike, oshilonga eshi oshidjuu. Osheshi owa tulwa po ongomufita ta lifa eedi noku di kufa moiponga. Luhapu okaana mokukala otaka tenguka, kake na ondjila ya yuka ya wapala. Hano itatu shiiva omapuko otaa di peni, fiku limwe osheshi tuu wa yandja okaana ka pewa edidiliko la endama meshasho liyapuki. Onghe hano omukwetu, koneka nawa oshinima eshi sha fa eikililo longaho. Kendabala okaana ka mone edidiliko tali ka wapalele neshasho liwa li na elao nomutumbo tau kalelele. Omwene Jesus ota ti: "Efeni ounona ve uye kwaame, inamu va kelela ko. Osheshi ouhamba weulu owa ava va fa ounona, Markus 10; 14.

*Viktoria Kanhalelo*

## EENGERKI MUNDOISHILAND DA KWAFELA BIAFRA

*HANNOVER, Ndoishiland* - Ongerki yevangeli paLuther muHannover oya tuma oimaliwa eemarka daNdoishiland 100,000 da dja moshikefa shado ekwafelo kuBiafra. Osho yongerki yevangeli paLuther yaBrunswick oya tuma kuBiafra eemarka 100,000.

## ONKUGO YEPONGO OKALUNGA HE YI TONDOKA

Mpaka tapu landula omadhina gaatondoki yonkugo yongerki yaNayena. Kalunga ne ya gwedhele ko kondapo yawo. Tango epukululo lye-puko lya li moshifo shaMalitsa No. 5. Ano omusamane A. D. NAULONDO nookuume ke oya gandja

A. F. GOUS	(Dep. van Onderwys)	10.00
H. KRÜGER	"	10.00
B. VERNEULEN	"	5.00
H. WILHELM	"	5.00
A. H. GEYSER	(Bantoesake)	2.00
F. A. du PREEZ	"	2.00
T. D. K. FERREIRA	"	2.00
J. H. BESTER	"	2.00
NUWE S.W.A.N.L.A.		100.00
S. A. POLISIE	(Ondangwa)	14.00
D. MARAIS	(Poswese)	2.00
J. BADENHORZT	(Onderwys)	2.00
E. R. van WYK	(B. B. K.)	10.00
L. BERGER	(Onderwys)	5.00
J. G. SWART	(Bantoesake)	0.50
F. MAREE	(Onderwys)	2.00
MOSES BENJAMEN	(Onangalo)	5.00
EGONGALO ONYAANYA		10.00

Egongalo alihe otali mu halele omayambeko gOmugandji gwaayihe.

*Omutseyithi: S. Nghikongua*

## OMUNAMA A WILWA KOSHITI

Mariental- Omushamane Omunama Josef Seibib okwa ka tyava oikuni. Okwa londa komuti mukukutu nde ta shaaxa ko oshitai. Moikeleketa okwa wa ko noshitai she mu shikulila po. Eshi e lidenga pedu oshikuni oshe mu lyaminina pedu nde ye ina dula oku shi tumba ko kuye.

Konima eshi Josef a nangala oufiku aushe koshi yoshiti mouyahame, okwe lituwa kovakulukadi vavali va li tava ka tala omeva. Ovakulukadi ove mu kufa ko koshi yoshiti. Paife ota hakulwa moshihakulilo nde vati ota kala ngaho nawa, osho kwa hokololwa.

## O U T E K U

Ngenge handi pulwa epulo li li ngaha "owa tekulwa tuu"? Ondi wete epulo eli oli kwetele mo nomutekuli wange.

Ovatekuli, tekuleni ovatekulwa veni nouteku muwa. Outeku oo tau pe omutekulwa elao lokomwenyo nolokolutu, mokukalamwenyo kwaye. Ovatekuli vahapu va etela ovatekulwa vavo okukalamwenyo kudjuu omolwouteku wondebula nowopavali. Outeku wondebula ohauka eta oluhepo komutekulwa, osheshi oiimati yao kaina elao lasha. Okaana ngenge owe ka tekula hoka pe keshe tuu osho take shi lilile, otake ku pe oudjuu komesho. Osheshi ngenge okwa kulu e li ngaho, otaka indila noshiima eshi mona poushiinda. Nena ove nge ku shi na fiku limwe oto ka lya eendjo opo ushi mu pe, u mu ningile ngaashi weshi mu ikifa. Okaana naka anyenwe ngo, ngee nee osho take shi pula notake shi lilile ke shi wete ino shi ka pa, opo keheke ku pe oudjuu komesho.

Outeku wopavali otau etele omutekulwa ouhasha, ombudi wokweendaenda, nodino okudinwa, nokudina yo. Otau holoka ngenge okaana koye to ka yandje kaka tekulwe kuumwe ka kala pwoove oule weedula nhe, hanga opo ka nyame outeku wambulavo ove we ka yandja po kukadina kako ile komushivikile woye. Hano owe ka nyonapo, osheshi paife outeku wako owe u tukaula. *Okaana okaufwa ngaha ka kale nokukulila moukumwe wovakulunhu vako, hano puxe naina nomokati kovamwaina meumbo lavo.* Ngenge owa hala okaana koye ka ka tekulwe komaumbo, ka yandja manga *shapu kanini*, ko ka kani ngile eendunge kwinya noka mone outeku umwe auke wa wanapo, kaha kale elimalima.

Okaana ohaka hovele okukwata omhepo youteku okudja konyala peedula nhe okuya pombada. Hano ngenge owe ka yandja ke na eedula dokudja lwaapo, owe *ka nyonapo*, osheshi omhepo yambu lavo youteku inake i tambula nawa, ile ndi tye, inai mena mo muko ove we ka yandja. Nena naaku we ka yandja outeku waakwinya itau twama mo vali muko. Osheshi oke shi shi kutya, hamo meumbo lavo. Paife momumwoye omu na eshilafano linene, omokumena kwomauteku oo avali wa kuna muko. Didilika nawa, ombuto ngenge owe i kunu moshimhungu, ndele manga ili mokumena ove to funghile mo ikwao,

otapu kala eshilafano mokumena. Oimeno yatya ngaha ngenge oya mene itai kala nande yaukulila, oshimeno eshi sha kunwa tete otashi mene sha nangala, osheshi osha fininikwa kushikwao, shokombada otashi mene sha wa po. Nomona woye osho ta kala e na eputuko lapiyaana, Kalunga konghenda nge ina yelula eke laye longhenda a tekule okaana oko.

Outeku watya ngaha itau pe nande omumoye elao, osheshi ina tekulwa oku na oupu okutambula omhepo keshe, ouwa nowii ineu tongola. Keshe apa e wete paongala ovanhu oku wete ashike a fika, nande ovanhu ava ve li po keva shi. Komukalo watya ngaha otwa kanifa ovanyasha vahapu nohatu va kanifa natango ngenge itatu tekula nelalakano lasha, tu wanifeni outeku ngaashi Kalunga ketu e u tu pa.

Outeku oo oufita twe u pewa ku Kalunga, ndele ngenge ohatu lifa apa pehe na oilya oshayuka, ndele nge hatu lifa moilya, ombedi oye tweni, ha yoimuna. Natu tekuleni ovana vetu nouteku washili, opo Epaya, Ondjondjo, Oshakati nounyuni uhaye novana vetu.

*"Ndelene va tekuleni nouteku muwa nomakumido Omwene." Ef.6:4b*  
J.N.Uahengo

## EDJALEKO LOKALINGA

Pamwe noshoongalele shovatumwa mOtjimbingwe, pastor Abisai Sheyavali na Selma Gweendama, ohamba yOmondonga, ova li va hala va ninge oshivilo shedjaleko lokalinga kavo, ndelene omolwomaimbo Selma ina dula okufika kOtjimbingwe. Meti- 14 laJuli komatango, oshivilo eshi ove shi ningila muTsumeb meumbo latatekulu M. Hauuanga.

Oshivilo osha hovelifwa neendjovo da Kalunga di li 1Mos.24:33. Kwa imbulwa yo omaimbulo mahapu opakriste. Molukanda, mokomboni nomodoolopa omwa dja ovashivwa vahapu ve uya koshivilo. Omakundo mawa a yandjwa kovadani avesheshivilo nosho yo kOvatjimbingwe mokuhalela omulongi wavo pamwe nomuvalekwa waye omapuniko aa Omwene Kalunga ketu.

Hauxuuninwa omufitaongalo Abisai nomuvalekwa waye Selma ova yandja omapandulo avo mehafo linene kovashivwa nokovadani avesheshivilo, eshi va dula okufika nova dana oshivilo nokunyakukwa pamwe navo. Omwene na koleke evaleko eli ye e li fikife moshilalakane nwa shalo.

Matti H. Endjala

## OKULANDA IIKULYA

Ngaashi ethimbo lya lukwa lyehumo komeho, osho naanaa tashi holoka miinima yimwe. Ndishi nale okwa li ngele omuntu ta yi mondjila oha tulilwa ontaku mokambago nenge ta ningilwa oshikwiila, opo eende ta nu nenge ta ngomona. Nena iinima oya ninga yi ili ya nika oshingolo sho shene.

Pethimbo lyetu ngele ku na ngoka ta yi mondjila, peha lyontaku nenge lyokakwiila oha kutha owala uumaliwa mondjato ye ta mbwangu la. Shoka oha shi ningwa neinekelo ndyoka kutya, konyala pomahala ogendji, uunene poondjila, opu na iiyakulitho yagwana, mpoka omuntu ha vulu okulanda omboloto, onyama nenge sha shilwe shokunwa.

Ihe mokulanda iikulya opu na sha sha nika natango ehumo konima. Mokulanda iikulya oto mono omuntu ta kwatakwata omboloto ndjika naandjiyaka, ye itedhi landa po adhihe. Osho wo mokulanda onyama, unene ombihu, omuntu ota tumbatumba iintimbu ye haye tuu naku yi landa po ayihe.

Tala, iikaha yomuntu konyala aluhe oya muka nando ngoye iho shi dhimbulula. Uututo mbono u li mukaha yoye otau kakatelitha ontsi yoludhi kehe kiikaha yoye. Mokukwatakwata omboloto nenge onyama oto yi thigile olunanga ndoka lwa kakatela peke lyoye.

Ngele otu li mehumo komeho, tu longitheni wo uuyogoki moku kalathana niikulya. Iikulya ndishi oyo ngaa tsuu mokukalamwenyo kwomuntu kehe nando na kale olye.

Uuyogoki otau pumbiwa wo megumbo, ano miikwatelwa noombiga dhokutelekela iikulya dhi na okukala dha yela. Inaku ninga etemba nenge oshiyaha osho wo elilo lyokutelekela olyo ishewe oshidhanitho shaanona ngele taa thitha omavi. Oluyo nalu yogwe inalu kukutula iipoti nenge lu lathwe koombwa, nalu yogwe shili hakukakumuna owala omakoko nokulongithwa. Uuyogoki nau ende pamwe nehumo komeho miinima ayihe ..... ndele unene tuu mokulanda iikulya.

## EVI LYA KAKAMA PUKHOMAS

Omasiku ngaka ekakamo lyevi olya uuvika puKhommas-Hochland oomaila 100 kuuninginino wOvenduka. Ekakamo olya ningi motundi 1. 25 komatango nolya uvika unene po faalama Niedersachsen yomusamane W. Siedentopf.

## VA HEPA SHILI

Twa talifwa natango oluhepo a pa lufike. Efiku eti-4 Auguste 68, otwa ile molweendo moushilo. Twa ka konga Ovayebele. Ondjila okwa li ile yeemila 63 okudja mOkongo fiyo opaapa twa hanga ovayebele votete. Epundo lotete otwe li hanga mOshanika li na Ovayebele vahapu vahapu, vamwe vomuvo ove shiinge nawa. Ova shakeneka nokuhambelela. Onda ya keemhadi pamwe navakwetu vamwe ngaashi omudiakoni wetu meme Selma, omulongikadona Maria Nafidi. Tatekulu E. Hynönen a fyaala ketuwa la nyengwa okufika molwofuka.

Taa! otwa hanga ovanhu va hepa shili, va kaka, va pya eenyote. Ova ya kokule naKalunga ndele va ya kokule novanhu vakwao yo. E-yakulo otava yakulafana neendjamba. Ano omanghete mominghete a lika mo keendjamba. Ohava ningi nee ngaha: Eshi eendjamba da lya tete omanghete, doo tadi ka ya kondje, komapumba eendjamba oko nee ovanhu tava ka toola omanghete; hano ondjamba ya palulwa koipeta na omunhu taka palulwa komaxuku.

Hano omunhu ota xupu komanghete a etwa keendjamba a dja kokule omolwomeva, shashi ohava nu kumwe. Nande va fa va hepa ngaha, ooli, mepundo otwa dja mo ashike novanhu 21 vamwe omo va shaala, tatekulu Haule noovakwo. Onda ninga okapopifo neilikanotwa shuna kutatekulu E. Hynönen ketuwa.

Opo otwa twikila ondjila eemila mbali. Otwa hanga vali epundo laKafuli. Etango ola toka nokuli.

Otwa ninga owandaha opo twa peva mo vali ovanhu vatatu. Osho twa aluka nondjila yeemila 65.

Omukwetu, omuholike, oshilonga shetumo lEvangeli inashi xula po.

Natango ovapaani ovo ve yadi mo, onghee oto teelwa moshilonga mepya lOmwe ne woye ngaashi to du lu.

Ekundo lOngerki aische olo eli: Ovanhu ova hepa shili tava pumbwa eilikaneno opo va mone oluhepo lavo, osheeshi vamwe inava dimbulula oluhepo olo natango, ngeno va li va dimbulula, ngeno aveshe twe u ya navo. Hano ilikana ovanhu ava veuye kehepululo lEvangeli. *Ev. Lot Kaishungu*

## EENGERKI DA NINGA OILYO YEHANGANO WCC

Uppsala. -Eengerki mbali di li oilyo yongongahangano yeengerki eenghwaevangeli paLuther muSuider Afrika, ode lishangifa moushilyo mehanganano leengerki dounyuni (the World Council of Churches) mefimo loshoongalele oshitine (Fourth Assembly).

Dimwe mbali domeengerki nee odo de linyolifa moushilyo odomehangano FELCSA, odo: Ongerki onghwaevangeli paLuther muSuider Afrika yomu Transvaal. Ongerki ei oi novakriste 110,000; nOngerki yaMoravia (Eastern Province) i novakriste 26,300.

Ongerki oyo yomuTransvaal oyo oshiiimati shetumo lokuBerlin. Omubishofi wayo oye omushamane Paul G. Pakendorf. Oyo onhivali muSuider-Afrika okuya mehanganano olo. Eengerki dikwao odi li nale oilyo mehanganano olo nde adishe odo vali oilyo yongongahangano yOvakwaluther mounyuni.

Ongerki yaMoravia, tai wilikwa komuhongi S. Nielsen, oya hovela oilonga yayo omudo 1828 muSuid-Afrika.

Eengerki dimwe de linyolifa ongashi ongerki yaMethodist muKenya nOngerki yomaongalo a hangana yomuSuider-Afrika.



OMUWA E TU PELE,  
E TU KUTHA ISHEWE

*Nikanor Stefanus nameme gwe Selma, Oneshoko, Oshitayi, otaa ti: Otwa adhika koluhodhi lwombaadhilila. Twa pelwe omagano, okanona okakadhona okaholike, Aletta Hambeleleni, ka valwa momasiku 16.6.1968 ihe twe ka kuthwa ishewe sho ka si ombaadhilila meti 11.7.1968. Ewendo lye oli li mOshitayi.*



*Suster Ursula Pönnighaus, amushannga gwiinyolwa muKaribib, okwa talele po Oniipa.*

## KAUNDA TA XUPU MUSUIDWES

Ongeshefa yokulandifa ombelela pokati kaZambia naSuidwes, oyo ya etifile ovaenda vatatu vaZambia muSuidwes omafiku a djako, oya hovela okulonga. Ongeshefa ya Suidwes yedina Damara Meat Packers ohai tumine Zambia oikwambelela eetona 100 oshivike keshe.

*Omusamane Nikanor Stefanus nomukulukadhi gwe Selma*

Oluhodhi sho lwa holoka, ookuumo oya tondoka noye tu tsu omukumo nondigolo yolwiimbo nomagalikano nomakumagidho.

Ehalo lyOmuwa olyo alike tatu zimine tse tu neinekelo ote tu pe ishewe ngaashi e tu pele. Oye nasi-manekwe mokukala kwetu. Otwa indile wo aamwameme ne mu tu dhibulukwe momagalikano.

# OUNYUNI OTAU TONGO SHIKE



*Omushamane Pierre Trudeau, ou a ninga oministeli yotete ya Kanada.*

## OMULUUDHE A GU NOKWA SI

Kwa kundanwa ishewe kutya, omuludhe gwedhina inaa li tumbulwa manga, a li miilonga yomatungo mOvenduka, okwa gu ketungo eleleka nokwi idhenge po nayi. Okwa hulitha mbala moshipangelo. MOvenduka omu na omatungo o-maleleka ngashingeyi naatungi ye nokulonda puuleleka.

## OVAWAMBO VAVALI VA FYA

Ovawambo vavali hava longo kolange, ovafya eshi oshihauto omo va li she lidenga monduba yedu nde sha kandoma. Ova fya pefimbo tuu olo novapolifi otava konakona oshiponga ndubi sha enda. Omadina avo inaa popiwa mangha.

Omulaule umwe vali okwa ningwa oipute ihapu, eshi oshihauto shaye sha kandoma popepi naMariental mondjila yokuya kuKeetmanshoop.

## EPIKIPIKI LYA TOPA

COMPTON (Kalifonië).— Epikipiki (helikopter) li naanonona 14 naakuluntu wo, lya li tali tuka okuza kuLos Angeles lyu uka kuDisheyland, olya topele mombanda naakalimo ayehe kumwe 21 oya sa. Ookadhimamulilo (brandweermanne) sho ya thiki mpoka ya gwila, oya adha omudhimba gumwe opo tagu lunguna.

Omumvo gwa zi ko, aantu 23 oya sile ishewe, sho epikipiki lyoludhi ndoka lya mbolokotele pevi mondjila oyo tuu ndjoka.

## YA TEMBUKILE KOLUKANDA OLUPE

Ishewe nuupe aakalimo yomolukanda olukulu lwaVenduka oya tseyithilwa kutya, naa tembukile kolukanda olupe Katutura. Okwa tseyithilwa kutya, aakutwa miilonga naakuti yawo ngele itaa vulika koveta ndjika, otaa ka konenenwa.



*Ou oye Guisepe Medici, ta ningi oministeli yoinima yopondje yaItalia.*

## ONDHILA YA KANA

Ondhila yimwe yi naantu yane, oya dhiladhilwa ya mona oshiponga muBotswana. Pehala mpoka ya li ya tegelelwa yi lambele inayi thika po nosha ulike kutya, oya mona oshiponga noya mbolokotela ngiika pevi. Inaku uvika manga pethimbo ndika oya ningi shike naantu mboka ya li mo oya sa nenge oye nomwenyo.

Ondhila ndjika oyiilonga yokukondjitha omukithi gwokomalaka (bek en-klou seer).



*Omushamane Couve de Murville, oye ta ningi oministeli yotete ya Frankryk. Okwa ya ponhele ya ou a kufwa ko.*

## OKANONA KOMUITALIA KA ETWA KUKAAPASTAD

Rome.— Omuprofesori Chris Barnard, omufimani moshilonga shokutanda komitima waSuid-Afrika, okwa lombwela ovadali vokaana keedula 9 muItalia kutya, okaana naka twalwe kuKaaapstad ka ka hakulwe nde ka konakonwe.

Barnard okwa li mokweenda nde okwa tiwa ta talele po oilongo imwe mounyuni. Okwe uya muRoma nde okwa konakona ovanandu vomitima mokapangelo Moscati muRoma, omo a hanga okaana Paolo Viocco oko a lombwela ka twalwe kuKaaapstad, eshi e ka konakona.

Kwa hokololwa kutya, dr. Barnard okwa lombwela ovatoolinhudana kutya, ovaveli venya a konakona otava dulu naana okukwafwa.

Eshi a pulwa ngenge okaana Paolo ota ka tulwa omutima umwe muKaaapstad, okwa nyamukula kutya, oshi nokuudafanwa tete noondokotola vakwao, ovakulunhu vokaana naye mwene.

## ONDHILA YAAYEGIPTI YA GWILE MEFUTA

Ondhila yAayegipti ya li tayi tuka kombanda yefuta lyopokati, oya mono oshiponga noya mbolokotele mefuta. Oya li naantu 40. Ooskepa dhokukwatha noondhila dhimwe dhokukwatha odha endelele okuya kehalandyoka. Omidhimba dhimwe odha kuthwa mo nadhimwe kumwe niitekaukila yimwe otadhi kongwa.

## ZAMBIA LYA HALA UUSINO

Zambia okwa popiwa kutya, olya hala okulanda uundongi muBotswana, u longithwe mokupulula nokuhumbata.

Okwa hokololwa kutya, molwo-shinima shika omalenga gaali gepangelo lyuunamapya lyaZambia, oya yile kuBotswana, opo ya lande hwiwaka uundongi 1,000 molwiilonga yoofaalama.

Omupresidende Kaunda gwaZambia, okwa fatula ompumbwe yokulongitha uundongi miilonga yomapya peha lyomambakumbaku ngoka ge nondilo mokulongithwa kaanafaalama.

Uundongi otau ka longithwa mitukulwa yoshilongo nkoka kwanoongombe.



*Aune Shilongo*

## OYE WOTETE MOVAWAMBO

Aune Shilongo, ta shiivika nawa mOvambokavango, unene molwo-shilonga shaye shewiliko lovanyasha vongerki yOwambokavango, oye okakadona kotetete mOwambo ou a pewa ombapila yokushinga oihauto. Okwa konakonwa mokushiiwa okushinga neeveta dokushinga mOndangwa ndele okwa pita nawa noku na paife ombapila oyo.

Shilongo okwe lihonga okushinga muSoomi, eshi e uya mOwambo a twikila okulihonga kwaye. Pajfe ota endaenda mongerki aishe nokuninga oyoongalele yovanyasha e na oshihauto osho sha pewa ovanyasha vongerki yomOwambokavango kovakriste vomuSoomi.

Otaku telelwa natango ku holoke oukadona novakulukadi tava shiiva okushinga oihauto ile tava shiiva oku i pangela nokuli.

*J.J.Hangula, Posbus 2199, Windhoek, ota shiivifa ngaha: Omahodi ovadali* – Ope na omumati Omumwambo a toolwa kovapolifi mondjila omu muWindhoek eti- 28. 6. 68. Okwa hangika ta vele unene. Ove mu twala neendelelo moshihakulilo nopefimbo tu olo okwa xulifa oweenda waye.

Mupya munene ina hangika e nombapila oyo tai ulike ye omukwashike. Oonaku mu shiiva otava ti omumati ou Omukwanyama ovo va kala moushondolo. Edina laye lomoushondolo oye Shipena Beni. Edina lokOwambo vati oye David Moses Haufiku kOmungwelume.

Vamati vakwetu, tu endeni tuu neednjila da yela opo tuha fye twa fa tuhe nomadina ile ovapambedi vetu.

## MEXIKO

Oshilando osho osha hangwa yo kekakamo ledu omafiku aa. Omakende eengulu a tatuka noitandu ya halakana meendjila. Omatungo a teka ile a tenda omifya dinene noinima ihapu ya dja peenhele. Ovapolifi va kala nokukwafa noitukutu ooambulansha da konga ovanhu va mona oshiponga. Moshiponga eshi inamu fya unene ovanhu vahapu, ashike vahapu ova ehama.

## ITALIA

Ovanhu va mona oshiponga, odila imwe yomuItalia, ya li tai tuka tai di muRoma ya yuka kuMontreal, oya mbolokotela pedu. Ovanhu vamwe okwa tiwa ova xupa. Ookadimamudilo, ovapolifi noihauto yomakwafelo oya konga omhito okufika ponhele yoshiponga osho. Odila oya mona oshiponga molwo-shikungulu.

Enota olya kala ngaa pOniipa. Aahongi naakalipo oya nu moohwai-kitha ndhoka tadhi taamba omeya gomvula kiipeleki nenge mokakweyo. Ngashingeyi omiligu dhomeya otadhi langekwa mevi opo dhi fale momagumbo gopOniipa omeya ngoka taga zi moondama.

Omuligu gwomeya ogwa za kOndangwa sigo omondama yOnandjokwe. Epangelo lyomeya lya holomende olya tungitha otenga onene nnde yomeya pondama yOnandjokwe. Omeya taga dhindwa mpaka notaga pewa eundulo ga thike kOshigambo, kOlukonda, mOnandjokwe, mOniipa nopalwe, hoka omiligu dha falwa ko wo nookuli. Otennga oto yi mono mefano ndika.



*Omuthima gwomeya omupe gwa tungilwa pombanda pOnandjokwe*